



ARUBA ANSE COURANT



Diario



pa Aruba



DIALUNA 8 DI MEI 1961

Nr. 4030

Kennedy den conferencia di prensa

Embargo riba CUBA lo ser studia un biaha mas

WASHINGTON, 7 mei — Presidente Kennedy a declara Dia Viernes durante un conferencia di prensa na Washington, cu gobierno Mericano actualmente no ta dunando instrucion na refugiadonan Cubano na Merca of cualquier otro luga pa un lucha contra Fidel Castro y actualmente Merca no tin idea tampoco di haci esey. E kestion di embargo riba comercio cu Cuba a ser studia y nan lo investiga e problema aqui un biaha mas, segun Kennedy.

Merca a propone cu e conseho di ministernan di e conseho interamericano economico y social lo reuni dia 15 di juli den un sesion extraordinario pa delibera medidanan pa desarrollo economico di Merca. Vicepresidente Johnson durante su viaje pa Lehan Oriente entre otro lo hiba deliberacionnan cu e gobierno di Vietnam tocante medidanan contra e actitud di e guerrilleros comunista.

Tantu un grupo especial den gobierno como e conseho Mericano di seguridad a studia e problema di Sur Vietnam. E envio di trupanan Mericano ta ser studia te ainda. Di ningun manera nan lo tuma un decision prome cu regreso di e vicepresidente. El a declara tambe, cu ta mas cu cla cu e ta contentu cu e exitoso via-

je espacial. Mi no ta pesimista pa loque ta futuro.

Presidente Kennedy a bisa cu lo e pidi Congreso mas placa pa laga e examinacion di espacio tuma luga mas lihe. Nan a logra un exito animante, pero Merca ta hopi atras ainda compara cu Rusia y nan lo mester redobla nan esfuerso. El a yama e corantnan cu a skirbi tocante Cape Canaveral como si fuera esaki ta un circo di publicidad "unfair". Pasobra na mes momento cu e corantnan aqui ta zuhdra, nan ta pidi pa manda un reportero Cape Canaveral. Ta facil pa nos tur reconece tanto nos fracaso como tambe nos exitonan.

Ningun hende no tin nada di bisa tocante esey, segun Kennedy, cu ta muestra cu na Union Sovietica solamente e exitonan ta ser publica y cu

solamente loque gobierno quier ta sali publica den corant.

Palabranan skerpi di president Bourguiba

President Bourguiba di Tunesia a papia masha skerpi contra president Nasser di Republica Arabe Uni, durante un conferencia di prensa cu el a tene na Washington diavieses.

Tunesia ta masha preocupada pe declaracionnan di Nasser, segun cual e ta lider di Nacionalismo Arabe y di unidad Arabe. E declaracionnan cu Cairo ta publica, ta yen di insulto y expresionnan di odio. Cuakier, hefe di estado Arabe cu no ta censu cu president Nasser, ta ser considera na Cairo como un traidor di asuntunan Arabe.

President por hiba e politica cu e ta desea positief neutralismo negativo, pero si ami no ke sigui e politica ey mi no ta haciela, asina Bourguiba a declara.

Durante e ultimo tres dianan aki president Bourguiba a haci un bishita oficial na Merca.

E presidentnan ta di opinion cu un descolonizacion di orde ta di interes esencial pa prosperidad y paz di

pueblohan di Africa. Paisnan independiente di Africa mester hanja e oportunidad pa hiba nan mes politica, sin intervencion extranjero.

Ambos hefe di estado a haci un yamamento rba tur pais pa duna nan apoyo ne accion di Nacionnan Uni na Congo.

Reunion di organizacion di paisnan Mericano

E conseho di organizacion di paisnan Mericano lo reuni dialuna pa expresa nan mes tocante e peticon Mericano pa un reunion di e conseho di minister di e conseho interamericano social y economico.

LAGO COMMUNITY COUNCIL A COLECTA MAS DI 22.300,— DOLLAR

SAN NICOLAS — Sr. N. P. Schindeler, presidente di e comite pa colecta placa di e Lago Community Council a informa cu e accion pa colecta fondo e anja aki a hanja 22.390,86 dollar. Di e 426 personanan di kendenan tin donacion por a worde spera 404 a duna. Anja pasa nan a colecta 23.071,— cerca 472 personas. E tempo ey e donacion pa promedio tabata 48,— dollar, awor 55,42 dollar.

HELEN AUBLE NA ARUBA

ORANJESTAD — Actualmente ta keda na Aruba srta. Helen Auble, redactora di e conocida revista "Caribbean Vacationlands". E lo keda algun dia riba e isla aki, cu e intencion pa hanja informacion pa articulonnan riba Aruba den e revista menciona. E periodista ta worde acompaña riba e isla pa e personal di Toeristenbureau.

Awe fundacion di Stichting Reclasering nobo pa Aruba

ORANJESTAD — Awe ta tuma luga den oficina di Gezaghhebbber Interino I. de Cuba den presencia di notario F. Thijssen e acta di fundacion di e Stichting nobo pa Reclasering y Kinderbescherming na Aruba. E directiva di e Stichting nobo ta forma door di pastoor J. Burgemeester, presidente, mr. F. C. Fliek vice-presidente y mr. Frank Hartong, secretario/tesorero. Kendenan ta alavez e fundadornan.

E intencion ta cu tan pronto posibel e directiva lo worde extende te na shete persona. En todo caso nan ta spera pa den un di e dianan aki hanja un tesorero. Cu esaki alavez un plan bieuw di pastoor Burgemeester a bira realidad, es decir e union di puesto-

nan di secretario di Voogdij raad y secretario di reclasering den un persona, den e caso aki mr. Hartong. Cu e direccion diario di e trabounan di reclasering na Aruba lo keda encarga srta. C. de Freitas, kende a caba su estudionan algun luna pasa y a regresa cu e diploma social worker for di Hulanda. Na principio di april srta. De Freitas a bai Corsow, na unda na e oficina di reclasering aya e lo worde prepara pa su tarea nobo. Despues cu el a traha aya pa dos luna e ta regresa huntu cu e ambiente di reclasering na Corsow, sr. C. G. Grootens, pa Aruba. Sr. Grootens lo juda su colega Arubano den organisacion di su oficina aki cu lo hini den e oficina bieuw di Gezaghhebbber den John G. Emanstraat. Srta. De Freitas a cuminsa su tarea nobo cu masha entusiasmo.

F A T U M — Tel.: 1845 pa tur bo aseguranon

Subsidio

Reclasering na Aruba for di algun anja pasa a caba na nada, na prome luga despues cu a resulta un falta di placa inexplicable (y nunca solucion) y e ministro di e tempo ey mr. S. W. van der Meer pa motibo di esey a stop e subsidio, te ora cu e falta di placa aki worde solucion.

Pa razornan inexplicable e gobiernu anterior semper a vacila pa haci un bon investigacion tocante e asunto aki. Pa colmo un reclaserings-

ambtenaar anterior na Aruba, N. Schildt a forma un proceso contra e stichting den cual el a demanda un pago di dano di perjuicio di f 24.000. Cu esaki e stichting anterior a bin cai den un herdadero dificultad financiero. E caso di senyor Schildt te ainda no a worde solucion, asina leuw cu nos sa na Aruba. Den prome instancia e stichting anterior a ser sentencia pa paga e demandante e suma di f 8.000, pero senyor Schildt a bai den hoger beroep contra e sentencia aki y di e resultado te awe nos no a tende nada mas.

Sin embargo cu e fundacion awe di un stichting nobo tur e problemaan aki ta keda un banda y ta existi e oportunidad atrobe pa cuminsa di nobo yen di speranza.

Atrobe e stichting por conta cu e f 16.000 di subsidio di Landsbegroting y te hasta e directiva nobo ta spera di hanja un subsidio extra e anja aki. Mester di hopi placa pa pone e stichting aki na marcha atrobe.

Oportunidad unico

Door cu srta. De Freitas ta hacja su opleiding na Corsow y senyor Grootens ta hini Aruba pa yudele organisa e trabou esaki ta un oportunidad unico pa haci e administracion di Aruba igual na eun di Corsow. Asina nan ta spera cu e trabou entre e dos islanan aki lo resulta considerablemente mas facil den futuro.

STATUTEN A SALI

ORANJESTAD — Den Curacao-sche Courant d.d. 28 april p.p. nan a publica e statuten aproba di e clubnan deportivo "Oranjestad Little League" y "Universal". E prome a ser fundu dia 27 februari 1958, e otro dia 19 october di e mesun anja ey.

CHINA A MANDA INVITACION PA FOTOGRAFONAN ARUBANO

ORANJESTAD — For di e "Taipei YMCA Camera Club" na Formosa, China, Aruba YMCA a hanja un invitacion pa laga fotografonan for di Aruba participa den un exhibicion di fotonan cu lo worde tene durante di luna di october aya. Nan ta manda bisa cu e exhibicion ta habri pa tur hende. E exhibicion ta consisti di fotonan monochrome (8x10"), o mas grandi, o fotonan di color (5x6"), o mas grandi.

E personanan di Aruba cu kier participa, por manda nan fotonan pa Aruba YMCA, cu lo selecta e fotonan y manda despues pa Taipei YMCA. Esmun cu ta interesa pa hanja mas informacion ainda por acudi na Aruba YMCA.

HEFENAN DI SERVICIO A TUMA DESPEDIDA

ORANJESTAD — Den sala di reunion di Eilandsraad e Hefenan di e Servicionan di gobierno a hanja oportunidad diasabra mainta pa oficialmente tuma despedida di Gobernador A. B. Spekenbrink. E gobernador na final di e reunion chikito aki a dirigi palabranan gradicunon tur e personanan pa e cooperacion ricibi y tambe el a expresa e speranza pa Aruba sigi crece y florece. Tabata presente tambe na e reunion aki e Gezaghhebbber Interino di Aruba sr. I. S. de Cuba, kende a caba di regresa for di Hulanda, diputadonan E. O. Petrona y F. Wernet y e secretario di isla, L.C.M. Kerstens.

DIPUTADO DE CUBA A REGRESA

ORANJESTAD — Dia 4 mei p.p. diputado I. S. de Cuba a regresa for di Hulanda, na unda e.o. el a acepta e touwboot "Arikok" tor di riba dok. Entrante e dia di su regreso sr. De Cuba ta Gezaghhebbber Interino atrobe.

PREMIO PULITZER PA PERIODISTA DI SAN JUAN STAR

SAN JUAN — Sr. William J. Dorville, redactor y hefe-editor di e diario Portorikenjo "San Juan Star", a gana un premio Pulitzer a base di su articulonnan editorial di un caliber extraordinario, segun un anuncio recien di dr. Grayson Kirk, presidente di e Universidad di Colombia. Sr. Dorville a gana su 1000 de recompensa principalmente cu su serie di articulonnan editorial seirbi pa oktober y november anja pasa. Ora cu e "Star" den palabranan no pa comprende robez a opone su mes contra di un esfuerso di e Misa Catolica na Puerto Rico, pa influencia e eleccionnan local door di prohibi e Catoliconan di vota pa e Partido Popular Democratico. Sr. Dorville (53 anja) ta Mericano y desde 1953 ta traha den periodismo na Puerto Rico.

KAN INC.



JOYEROS DESDE 1918

DUNA BO MAMA UN SORPRESA

dia 14 di mei,

DIA DE LAS MADRES

RENCHI DI ORO	di 18.50 pa'riba
RENCHI DI OREA DI ORO	di 13.50 pa'riba
BROCHE DI PLATA	di 2.— pa'riba
PULSERA DI DOUBLE	di 7.50 pa'riba
HOLOSHI ZODIAC	di 57.50 pa'riba
SET DI GLAS (6)	di 5.50 pa'riba
COLLAR DI KRISTAL	di 12.50 pa'riba

Wat Kan kan kan Kan alleen.

La Salleschool ta celebra fiesta di su patrono

ORANJESTAD — Dia 15 mei venidero e Freeranan na heuter mundo lo celebra e fiesta di San Juan Baptista De La Salle, nan fundadorn.

Na Aruba tambe esaki ta e caso y principalmente na La Salleschool na Oranjeschool, e scol cu ta carga e nomber di e fundadorn, e fiesta ta hanja un caracter grandi.

Tres dia e discipulonan di e scol aki ta celebra fiesta, cuminsando dia 8

mei cu un sacrificio di misa pa 7'or na Iglesia San Francisco na Playa. Dia 9 mei tambe tin sacrificio di misa pa 7'or di mainta.

Dia 10 mei e celebracion grandi ta tuma luga, cuminsando cu un sacrificio di misa cu comunion general pa 8'or y cuarto. Pa nueb'or lo tin un homenage grandi dilanti di e imagen di e patrona den cura di e scol.

Pa 9'or y mei e muchanan lo hanja krentebollen cu orange. Pa 10'or y mei diferente clase di weganan ta tuma luga y tambe lo no falta cos dushi pa e muchanan.

IR. FABER PA HULANDA

ORANJESTAD — Diahuebs Ir. S. Faber, hefe di e fabrica di awa y electricidad na Aruba, a bai Hulanda, na unda e lo contra aya cu diputado O. S. Henriquez kende for di algun dia caba ta na Hulanda. Ta ser bisa cu e dos senjornan aki lo haci un bishita na Koewit, cu e intencion pa aya haei un estudio mas profundo di e fabrica moderno pa destilacion di awa.

Riba e foto aki por mira na dreci sra. Mingus en conversacion cu Gobernador A. B. Spekenbrink y su senjora, den Papiament Room di Aruba Caribbean Hotel. Diasabra anochi a tuma luga den Hotel, durante di un recepcion, despedida di Gobernador y senjora, un grupo grandi di personanan importante for di nos comunidad.




extra refreshing iced tea instantly with cold water!

NESTEA is a modern, instant form of 100% pure tea — Selected Orange Pekoe and Pekoe teas in a delicious blend. Dissolves completely in cold water! No water to boil, no messy tea bags or tea leaves. Try it hot too... it's delicious!



No more melted-down ice cubes! No more watered-down flavor!

NESTEA 100% pure. — Instant tea



EXPOSICION DI PANDELLIS NA NEW YORK — Riba iniciativa di Hank Meyer Associates, representante di Arubaanse Toeristenbureau na New York y Miami y cu cooperacion di Arubaanse Toeristenbureau di Aruba, nan a organisa un exposicion di 16 cuadro di e conocido Pandellis na Aruba, durante un siman largo den vicinanan moderno di un dje negoshinan di moda mas grandi, Lord & Taylor den 5th Avenue na New York. E intencion ta pa tene e exposicion aki tambe den vicinanan di Grace Line, Trans Caribbean Airways y di K.L.M. tambe na New York. E cuadronan ta paoramente tipico di Aruba. Sin duda un bunita propaganda pa nos isla den exterior y no menos di su representante na New York, firma Hank Meyer Ass.

OPROEPING

De houder van polis van levensverzekering no. 19142619 der N.V. Levensverzekering Maatschappij van de Nederlanden van 1845 gevestigd te 's Gravenhage (Nederland) wordt hij deze oproepen zich bij de directie van het kantoor te Oranjestad (Aruba) van genoemde N.V. kenbaar te maken vóór 22 mei 1961, zullende anders van bedoelde polis een duplicaat worden afgegeven waardoor de oorspronkelijke polis waardeeloos wordt.



HBU HBU



Goza mas

di bo vacantie!

laga H.B.U. furnibo cu placa
estranhero y cu travelers' cheques.
huur cerca H.B.U. un caha di
seguridad pa warda bo
obhetonan y papelnan di valor!

Haci Bon Uso

di

HOLLANDSCHE BANK-UNIE N.V.
ORANJESTAD - SAN NICOLAS

air condition NOW



YOUR ADDRESS FOR DETAILED INFORMATION

Experiencianan di A. A.

Alcoholismo
Biniñe especialtad cu ta representa farmacologia, bioquímica, fisiologia, psicologia, psiquiatria, antropologia, medicina y educacion. A declara cu alcoholismo ta un enfermedad cronica, un desequilibrio di conducta, cu ta ser caracteriza door di comportamiento repetidamente ghibi da alcoholico te cu esey jega na interveni cu salud of relacion of economia di e bebedor.

Papia sa no ta basta

Ningun hende no considera su mes un berdadero miembro d' AA meramente pasobra e no ta bebe. Habi bez un hende tin un culpa sobrio y un mente jen di estupideznan di burachi. E culpa por ta papia e programa di AA mientras ainda e mente ta landa den un oceano alcoholico. Habi bez e sobriedad fisica ta ser usa unicamente como un capa pa tapa e pensamiento corruptivo y convivencia cu semper tabata presente den e mente. Deshonestedad den pensamiento y den accion ta mes vicioso den un hende sobrio cu den un hende burachi. Por cierto, e tin un olor mas detestable den un hende sobrio, pasobra e hende sobrio no tin e excusa di tin un sintir burachi.

Ki clase di AA bo ta?

Algun miembro ta manera kru'wa-ge — bo mester pusha nan.
Algun ta manera caia — bo mester nagai nan.
Algun ta manera flie — si no tene nan na linja nan ta bula bai.
Algun ta manera voetbal — bo no sa unda nan ta bai dal.
Algun ta manera ballon — jen di biento y nan por rementa si no trata nan cu defecadeza.
Algun ta manera traider — semper mester lastra nan.
Algun ta 100% miembro asistiendo na reunion y masha cooperativo.
Den cual di e categorianan ey abo ta ca?

Algun bez nos ta mira cu desprecio na hendenan cu a se-castiga pasobra nan a comete un traicion, y nos ta bisar: "Ami s' no a jega asina leu". Pero despues di un investigacion diligente, nos ta descubri cu nos tur ta delincuentenan. Explicacion ta masha simpel. ... Di bo tabata chikitu den bo cuna, bo tabata gria streba ester familia. Esey ta conducta desordnada. Na edad di cinco anja bo a sconde bo den cushina y hor'a suu mientras bo mama tabata ocuna na otro camina. Esey ta ruteria. Na edad di 10 anja bo a stee school na bai pisa y kirbi un papel di escusa pa e maestro firmando number di bo tata. Esey ta falsificacion. Na iglesia bo a primiti di stima y protege bo esposa. Esey ta perjurio. Bo a sigui pleita cu bo esposa te cu e no por a wanta nan. Esey ta injusticia. Despues di

divorcio bo a mantene for di dificultad te na edad di cuarenta anja anto bo a casa cu un mucha di diesuebe anja. Bo mester tin herguezza — esey ta archamento di cuna. Esey ta secuestro. Pero e castigo di mas grand ta bini awor, despues cu bo a conoee AA bo ta sinti den cura y laga e mucha muhe bisar e hendenan cu kier juda bo — cu bo por mancha bo biter. Esey ta asesino.

X X X

Tur matrimonio ta feliz: Tur dificultad pa e bibementu buntu desbues.

X X X

Solamente sabiendo loke a pasa antes, nos por scohe un curso concreto pa futuro.

Pensa

Cada individuo por pensa segun e kier, pero e privilegio aki ta encera un responsabilidad. Si nos ta pensa "Segun un hende ta pensa asina e ta". Di nos tabata bebe nos tabatin hopi pensamiento malu; nos tabata bebe pa evadi pensamiento honesto y constructivo. Bibida tabata duna nos e medianan cu cual nos por a imagina nos mes como individuan superior y mas y mas importante nos tabata sinti nos mes cu cada bitter cu nos tuma. Nos tabata venena nos pensamiento cu alcohol, hibando nos mes mentalmente den un estado di fantasia mental den cual nos ta imagina nos mes como maritnan, bringando un crusada sa judansa y contra tur injusticianan di mundo. Como miembro di Alcoholico Anonimo, nos a caminza ta pensa mas ela, kizas lentamente pasobra tin hopi cos pa comprende, per ora pensamiento positivamente bon basa riba e sistema di bida di AA.

Placa

Placa ta un palabra magico den tur idioma pasobra ta necesario pa un hende tin algun placa, siendo cu tin cierto cosnan cu nos tin mester, cual ta placa so por compra. E cosnan aki ta obhetonan material: Sim embargo tin felicidad, salud, lealtad, amor, carino, aprecio, placer, salvacion y hopi otro tesoronan d' balor cu no por compra cu placa. Balor di e tesoronan aki no ta baha nunca y nan no ta destrui caracter di e hendenan cu ta busca nan. En cambio balor di placa ta baha hopi bez. Sim embargo, aunque con abao balor di un florin baha, e lo no baha mas abao cu e hendenan cu ta inclina na acumula placa.

Bibida

Bibidanan alcoholica manera: cer-bez, binja, likeur, rom, whisky, etc., etc. tin efectonan diferente riba diferente clase di hende. Cada uno di e bibidanan el ta un estimulante momentar o sim embargo cada uno di nan desinfectivamente ta ta anestestico of un depresante. Reaccion ta varia di acuerdo cu duracion di consumo habitual y temperamento di esun cu ta use.

X X X

Miembronan di AA no ta reformadonan n' evangelistanan. Nan proposito ta pa juda solamente esnan cu kier stop di bebe y na duna informacion di ayudo na esnan cu tin un problema di bebedor na cas, na oficina of na fabrica. Como un medio pa informa publico, profesionnan y negociacionnan y industrialnan; AA ta organisa reunionnan publico. Pa mas informacion jama 12886 of 23413 of skirbi na postbus 616.

Opinion diferente respecto e vuelo di Alan Shepard

CAPE CANAVERAL, 7 mei — Durante e prome investigacion dje Mercury, cu ta e cabina den cual Shepard a haci su prome vuelo den espacio, nan por a constata cu e cabina a resisti e enorme presion y temperatura halto masha bon. Solamente un parti dje cuero a casca un poco, pa motibo cu ora el a bolbe den atmosfer e cabina ta topa un temperatura masha cayente. Shepard a logra un velocidad di 8.000 km pa ora durante su vuelo, cual a dura un cuarto di ora.

Dr. Robert Gilruth, director dje plan Mercury a declara na prensa, cu e intencion ta pa haci diferente vuelo bai y bini, prome nan purba na manda un astronauta gen orbita rond di mundo. Medicinan cu a examina Shepard directamente despues di su viaje, no a constata ningun falta. Actualmente Shepard ta na e isla Bahama, caminda lo e worde somete na diferente experimento medico, den hospital. D'aluna Shepard lo tene un conferencia di prensa na Washington. E dia ey Shepard lo bai na e base aerea Andrews na Washington, via aerea y aki lo a ser saluda pa su esposa, su mama y tata.

Despues e compania lo bai Casa Blanca caminda nan lo worde ricibi pa president Kennedy. Despues dje entrevista cu Kennedy, Shepard lo tene un conferencia di prensa den sala dje edificio caminda State Department ta istala. E conferencia di prensa aki lo ser transmiti pa radio y television.

Opinion di Sapoynokof

E representante Ruso di Nacionnan Uni Sapoynokof a bisa cu loke Mericanonan a alcanza ta un contribucion nobo pe asunto di ciencia. E ex-vicepresident Richard Nixon a vama e suceso un noticia brillante. Nixon a bisa: Esaki ta un prueba cu Merca ta riba caminda pa alcanza Rusia of pasa Rusia den asunto di espacio.

Opinion di "Daily Herald"

E corant Ingles "Daily Herald" ta skirbi en conexion cu e exito den espacio d' Mericanonan, cu no solamente mester ser aprecia. Den un democracia y en especial un democracia ahierta manera ta existi na Merca, gobierno no conoce e lujo di tene cos na secreto manera Rusia ta haci.

Telegram di Moscu

Krutshef a manda un telegram pa president Kennedy den cual e ta expresa su felicitacion pa e exitoso vuelo espacial di Merca. E prestacion mas recien aqul den e lucha di ser humano pa conquista espacio ta abri posibilidadnan infinita pa studia naturaleza den nomber di progreso general.

Astronauta Mericano a hanja medalia di honor

President a concede e medaya di honor di e oficina civil di espacio, na e prome astronauta Mericano, Alan Shepard. Majan e lo entrega Shepard e condecoracion personalmente.

E medaya ta e condecoracion mas alta pa investigacionnan di espacio. Shepard a declara cu e tin solamente un queho tocante su viaje y esey ta: cu e vuelo a dura mucho corticu.

Dr. Robert Gilruth, director di e proyecto Mercury, a participa cu tabatin solamente un stiring chiqui durante e vuelo. Ora cu e raketnan di frenacion a los for di e satellite y luz cora no a bira herde. Shepard a sinti cu e raketnan a los.

Reaccion di Krutshef over di vuelo espacial di Shepard

Premier Krutshef diabara pa di prome biaha a reaccion, masque ta indirecto, riba e vuelo espacial di un Mericano glanti di un reunion na Erevan, den e Republica Sovietico Armenia, e premier Ruso a papia tocante e vuelo di Gagarin quende como humano a efectua un vuelo espacial.

rond mundo, y no djes unda cu ta. E vuelo espacial Mericano mes no a ser menciona pa Krutshef.

Radio Moscu a informa, cu e corantnan Ruso, den nan comentario riba e vuelo di Shepard a bisa cu e lanzamiento Mericano di n'gun modo por ser compara cu esun di Rusia, e tabata menos impresionante y mira for di b'sta tecnico y científico el a produci mucho mas menos.

Shepard tabata yiu di un kolonel

E prome astronauta Mericano Shepard, ta yiu di un colonel di eherito cu awor ta goza di su pension, el a nace dia 18 di november 1923 na Devry, New Hampshire. El a caminza su carrera militar na academia di Armada di Anapolis na 1944, na edad di 21 anja el a logra su grado y durante di guerra e tabata den servicio abordo dje destructor den oceano. Shepard tabata tuma instruccion priva pe hanja su brevet di navegacion aerea civil ma despues el a bira inviegler cerea marina.

E ta un homber cu semper ta gusta tur cos di hopi velocidad y tabata amante di auto di carrera y waterski. E por studia masha bon y su instruccion na astronauta tabata consisti di estudio nan extenso riba terreno di fisica, meteorologia, anatomie y geografía. E tabatin 3.700 ora di vuelo, di cual 1800 den avionnan a reaccion.

Famia real Ingles a sali Roma pa Ancona

ROMA, 5 mei. — Reina Isabel Segundo di Inglaterra y Prins Filip a sali pa Ancona despues di un bishita di tres dia na Roma. E pareha real durante un viaje priva di cuater dia lo bishita e.o. e ciudadnan Italiano, Venecia, Florence, Milan y Turin.

Ataque riba rebeldenan na Angola

LISBOA, 5 mei. — Un grupo di rebeldenan d'ahuebes na Luanda den Angola Portuges a ataca un patruya militar, asina ta ser anuncia pa e agencia Portuges di noticia, Lusitania. Un otro grupo a ataca un plantashi grandi den cercania di Carmona, un ciudad chiqui den norte di Angola. E atacantenan mester a hui y nan a sufri danyonan considerable.

Stopmentu di servicio di lancha na Leopoldstad

LEOPOLDSTAD, 5 mei. — E autoridadnan na Leopoldstad awe a stop e servicio di lancha entre Leopoldstad y Brazzaville, capital di ex-Congo Frances, como protesta contra e exigencia di president Youlou na Brazzaville pa libera Chombe.

Ajera nochí e secretario di estado di asuntunan exterior na Leopoldstad, Kasongo, a pidi e embahador Frances pa entrega un protesta di e gobierno central contra e declaracion Youlou.

HOROSCOOP

ARIES
1 Maart — 21 April



Por presentá al- gun caso masha urgente cu ta existi atencion. No suspende te ma-jan.

TAURIS
21 April — 21 Mei



Duna awe preferencia na asun-tonan financiero. No sea descu-da y no forza nada.

GEMINIS
22 Mei — 21 Juni



Tur loke cu bo haci pa mehora-cion di bo cas of di bo ambiente ta bao di bon signo.

CANCER
22 Juni — 23 Juli



A bira tempo pa paga atencion continuamente riba bo situacion financiera.

LEON
24 Juli — 23 Augustus



No larga ningun hende teita bo pa bo bira irritan-te ni bruto pa bo ofende otro.

VIRGO
24 Augustus — 23 September



Bao di aspecto-nan dje dia aqui oronan ta pasa dilanti. Trata na queda awe mas atras.

LIBRA
24 September — 23 October



Larga casonan necesario goza di preferencia. Con-fia awe riba bo mes ideanan.

SCORPIO
14 October — 22 November



Lo bo hanja mas tanta libertad di actua. Algo so-prudente lo bii na bo labor.

SAGITARIUS
23 November — 21 December



Pa medio di sos-ten planetaria lo bo tuma decision vital den tur a-sunto interesante.

CAPRICORNUS
22 December — 20 Januari



Lo bo tin influ-encia den amor y amistad y bo ri-valnan lo queda lej bo tras.

ACUARIUS
21 Januari — 19 Februari



Duna preferen-cia na trabao nan y deber awe y no larga nan quita bo, tino.

PISCES
20 Februari — 20 Maart



Hendenan cu que bo bon por yuda bo ora cu presenta dificul-tadnan.

Relacion diplo-matica entre

Alemania Oriental i Cuba ta casi cla

BERLIN, 5 mei. — E oficina di noticia anticomunista "West" ta informa cu establecimiento di relacionnan diplomatico entre Cuba y Alemania Oriental ta cerca di cla. Ta ser bisa cu ya for di bini di maart un representante Cubano a drenta funcion na Alemania Oriental.

Segun e observadoman occidental Bonn lo quibra su relacionnan diplomatica cu Cuba si esun cu Alemania Oriental ser establece.

PETRONA & CROES

Dakota - tel. 1712-1639
Pa tur sorto di REPARACION na bo cas

Dennis, de Schrik van de Buurt



„Ruff is niet lui! Hij rust uit, zodat hij vanavond goed kan waken over ons!”

„No yama Ruff floho! E ta sosesa awor, pa e vigila nos bon anochi!”

CISCO KID

1. „Nos por a baha y juda Cisco... Paquico? Si e indiaman mato. lo ta mehor?” 2. „Mientras e oronan ta dispaña riba Cisco un indiaman ta keda queto so atras”. 3. „Nan ta retira... awor mi por caga e rifle di nobo!”



JUAN EL INTREPIDO

1. „Mehor lo ta si bo saca porret abo promer, sr. Hunter... despues nos lo papia”. Masha bon, excelencia. 2. „Ainda tin tempo di evita desastre... pero nan lo no laga mi drenta! Quico mi haci?” 3. „Tende, warda! Na e momento aki tin un asesino den e despacho di e promer cu ta pasa pa periodo...” 4. „Sr. Hunter mi a laga drenta!”



DICK TRACY

1. „Ta bo chalet! Mi ta mira e spotlight riba bo porta di adifanti”. „Bon mes”. 2. „E horcan a pasa bastante pa nos purba esaki”. „Awor pa hanja e area di baha”. 3. „Oh, me! Mi mester di un bon glas di brandy”. 4. „Laga mi bise bo, ma'am, nos tur dos mester un bon glas di brandy”. Tarter ta bise: „Si tabata un nechi masha pisa” aini Soso ta contesta.



RIP KIRBY

1. „E mucha muher cu bo a puntra p'e - Kate Hill - tabata un bon empleada, pero distraida”. „Bo tin idea na unda e ta bay?” 2. „Nos tabata debe un cheque y e la pidi pa mandele pa correo di e pueblo aki”. 3. „E otro dia... Srta. Hill? Si ta mi maestra, senyor!” „Mi ta que- re cu bo por hiba mi cerca dje.”



EL PRECIO DEL TRIUNFO

1. Lalo ta conta Paula Bos- wor e motibo di Tony Orwig paquico e la nenga di opera jesica... „Pero no perde animo; nos tin tres dia y ni tin un idea!” 2. „Mi ta bay busca e hendenan principal cu a conoce e caso di Orwig...” 3. „Pero promer mi tabata quer pa bo a telefo- nea bo oficina pa tur infor- macion di e acuerdo entre bo esposo y e tata di Orwig 20 anja pasa!”



EL DIARIO DE UNA VIDA

1. „Bo quier bay haci com- pras cu mi? Esey ta algo no- bo. Tuto... bueno, amor... nos lo bay mira e tapiti- nan...” 3. „Mmm, color turquesa... perfecto! Bo ta gusta esaki, amor?” „Mi no ta gusta blauw verde. Corra, sil!”



PEPITA

1. „Estupendo gisico, Susa- na! Toquele atrobe!” 2. „Ale- jandro ta papia ora largo na telefono!” „Bo a haci mesco tempo bo tabata su edad.” 3. „Verdad, bo tin razon.” 4. „Y cu kende hotabata pa- pia? Contesta mi no?”



Reina Elisabeth di Inglaterra den audiencia priva cerca Papa Johannes XIII

VATICANO, 5 mei. — Awe main- ta cuarto pasa di 11 Papa Johannes 23 a ricibi la rena Elisabeth di In- glatera den audiencia priva, den su biblioteca grandi. Papa a bai personal- mente te na drempl di biblioteca pe salud e rena. Reina Elisabeth a ser acompaña pa e mayordomo. Su tras principe Philippe tabata den compania dje otro miembronan dje sequito. E aud- encia priva a dura mas o menos mei ora. Papa Johannes a tene un dis- curso na Frances den cual el a revela Gran Bretaña. En acuerdo cu proto- col, reina Elisabeth siendo un hefe di estado femenina, no a contesta e dis- curso. Papa Johannes a hanja un wandel- stok cu un konopi di oro como regalo. El a regala e reina un coleccion di moneda cu a yega di pertenece na reinanan Romano y cual nan a hanja den Catacumbanan. E tres yinan di reina Elisabeth a ser recorda cu album di stampanan cu a ser publica duran- te e pontificado actual.

E bshita di reina Elisabeth ta pro- me audiencia priva di un soberano Ingles cerca Papa despues di cuaren- ta anja.

Na 1923 rei George V. tawela di reina Elisabeth, a ser ricibi pa Papa Po XI.

Conferencia di paisnan di Casa Blanca

CAIRO, 5 mei. — E conferencia di minstronan di relaciones exteriores dje paisnan di Casablanca no a yega na un acuerdo cu otro tocante un "carta di Casablanca".

E carta aki a ser proyecta durante e conferencia di Casablanca na luna di januari. Representanten di Re- publica Arabe Uni, Ghana, Guinea- Mal y Marokko e gobierno provin- cial di Republica Argelia a participa ne conferencia.

Nan ta kere cu tin diferencia di o- pinion entre Ghana y otro partici- pantenan di conferencia. E diferencia lo ta consisti e plan pa forma un coman- do militar Africano.

Ningun dje e'cnu paisnan lo manda representante na e conferencia di pais- nan Africano independiente, cual con- ferencia ta cuminsa dialuna awor na Monrovia, capital Liberia.

Republica Arabe Uni no a muestra ningun entusiasmo pa tal conferen- cia, pasobra nan ta considera miem- bronan Africano di comunidad Fran- ces como "pa'nan neo-colonialista".

Objeto dje conferencia ta pa forma un aparato permanente pa coopera- cion riba tereno di economia, sani- dad publica y cultura y tambe pa asi- na leu cu nan po' yega na acuerdo cu otro, recomenda medidanan prac- tico. Te ainda diez ocho pa's a duna di conoce cu nan lo participa ne con- ferencia cu ta cuminsa dialuna na Monrovia.

Arrestacion di algun invasor Cubano

HAVANA, 5 mei. — Distres hom- ber di e exercito di invasion na Cuba dia siete di april, a ser arresta den e territorio di Zapata.

Nan a sconde nan mes diessie dia eynan. E corant Cubano "Combate" ta informa cu cinco piloto di fuerza aerea Cubano a muri durante e lucha contra e trupanan di invasion.

Terrible explosion na Brasil

BRASILIA, 4 mei. — Un explosion fuerte den vecindario di e capital di Brasil, Brasilia, awe a destrui diessun edificio di biba.

32 Persona a ser herida. E danjo ta ser calcula na 80 millon Cruzeiro. E motibu di e desastre no ta conoci ainda.

Aqui nos ta mira Eichmann durante e proceso den cual e ta ser acusa di ta culpable pa morto di seis mil judiu. I pa protega e criminal-acusado aqui contra odio di publico, nos ta mire aqui den un apartamento di glas masha diki cu a ser traha especial- mente pa e ocasion aki. Ta un cuarto enteramente di glas masha diki door di cual ni bala di revolver no por pasa.

Dean Rusk den conferencia di prensa

WASHINGTON, 5 mei. — E mi- nistro Mericano di relaciones exterio- res Dean Rusk a bise diaduhes dur- ante un conferencia di prensa na Washington cu president Kennedy a de- cidi na aumenta e suma di plaza des- tina pa yudanza militar pa sur Viet- nam en vista dje peliger comunista cu ta amenaza e pais. Aparte di ayudo militar nan a decidi pa tuma otro me- didanan pa ayudo, pero Rusk no a bise cual.

E ministro Mericano a bise como contesta rpa preguntanan, tocante un intervencion even un di trupanan Me- ricano na sur Vietnam a peticoa di president Ngo Dinh Diem, cu esaki ta un kestion pa futuro.

Rusk a bise cu e aparato militar comunista na sur Vietnam ta existi di 12.000 persona, un conta politico.

Loque „El Mundo” di Havana ta comenta

HAVANA, 5 mei. — E coleccion Sagrado Corazon di Maria, Sagrado Corazon di Hesus y e schoolnan Pia den e provincia Cubano Pinar del Rio a ser ocupa pa milicianan y represen- tantenan di e federacion di muheran Chimeca. E intervencion den tur schoolnan priva riba enter e isla, ta practicamente finaliza, asina e natu- rino „El Mundo” ta anuncia.

Culpabilidad di un Austriaco pa cuater asesinato

VIENA, 5 mei. — Max Guller, e criminal Austriaco di elecutent anja, cu ta ser hanja culpable di cuater ase- sinato, dos intento pa asesina y otro delinonan, awe a ser condena na casti- gu perpetuo door di un corte di husticia na Viena.

nan y propagandis'anan. Anja pasa mas cu tres mil persona, civil y mili- tar a ser secuestra of asesina.

Guerrilleronan comunista a pone emboscada, comete sabotaje y ataca pueblonan y ganizocnan.

Decision di Inglaterra i Union Sovjetica

LONDEN, 5 mei. — Inglaterra y Union Sovietica a fideidi di duna e comision internacional di vigilancia na Laos orden pa bai Laos imedia- tamente, asina un portavoz di e mi- nisterio Britanico d' asuntonan exte- rior a participa.

Convenio entre Kasavubu i Nacionnan Uni pa reorganizacion di exercito Congoles

COQUILHATSTAD, 3 mei. — Jus- tin Bomboko, ministro Congoles di re- laciones exteriores a anuncia, cu Ham- marskjöld a aproba e convenio cu a ser sera entre presidente Kasavuboe y Nacionnan Uni tocante reorganizacion di exercito Congoles.

Segun e ministro, e acuerdo aki auto- maticamente ta valido tambe pe exer- cito Katanges di Chombe. Esnan cu no ta obedee Kasavuboe, ta esnan cu ta tinanza, asina Bomboko ta declara.

Declaracion di general Nosavan

VIENTIANE, 5 mei. — General Phoeni Nosavan, minister di defenza di Laos, a declara cu trupanan di Pa- thet Lao a viola e acuerdo door di tira e bala e trupanan di gobierno. Banda di dos riu na Vientiane nan a ob- serva provision di trupanan di e re- beldeenan. E gobierno Laosiano oficial a bai di acuerdo cu e proposicion di e ex-premier neutralista Prins Soevan- na Phoenia pa un reunion oficial to- cante un alto di fuego entre dos pue- blo na e caminda entre Vientiane y Luang Prabang.



Aki nos ta mira dr. Janet Travell den su oficina na Casa Blanca, mientras cu e ta dicta un carta a su secretaria Martha Gorber. Dr. Travell ta e prome dama cu a ser encarga cu e puesto di hefe di clinica di Casa Blanca, y ta dokter personal di president John F. Kennedy.